

Baengznyumx Yauzromj:

Dinfwngz Cienzdoengj Minzcuz Ra Ndaej Ngaenz

蓝靛瑶染布：民族传统技艺有“钱”途

□ Siuh Fazlingz raiz Ouh Caijfangh hoiz



▲ Rak cig gij baengz ngamq dak hawq haenx.



▲ Bae doz goromj cwax.



▲ Lwgsau doz romj dauqma.



▲ Mehmbwk cingq hoed-gyauz daemzromj.



▲ Gij romj daih yaemz gvaq.



▲ Aeu romj ceh baenz raemxnyumx nyumx baengz.



▲ Dak gij baengz ngamq nyumx ndei haenx.



▲ Bouxyauz diegrog daeuj cawx baengz.



▲ Fwngz giuj guh buhvaq.



▲ Yaek gai buhvaq baengz-doij gag guh lo.



▲ Song cejnuengx nvib gopva.

Youq Lingzyinz Yen, Yauzromj aenvih daenj gij buhvaq cungj dwg yungh baengzdoj nyumx gvaq romj haenx daeuj guhbaenz cij ndaej-mingz. Youq 20 sigij 80 nienzdaih gaxgonq, dingzlai ranz Yauzromj Lingzyinz Yen cungj rox ndaem goromj, guh romj, nyumx baengz daeuj gai aeu ngaenz, daengz seizneix lij miz mbanj ranz cienzswj ndaej gij dinfwngz nyumx baengzromj daj geqlaux couh cienz roengzdaej neix.

Seizneix, youq aen yienh hung Yauzromj comzyouq neix, lij rox dinfwngz nyumx baengz haenx, cijmiz Mbanjnazbo aen Mbanjyauz iqiq neix lo. Youq ndaw mbanj, Buzlij, boux bisoq ceiq laux, daiq dwk “gyoengq hagseng” de, coh gicej langhbaiz le gij dinfwngz cienzdoengj Yauzromj.

Baenz doi nga' nge goromj ngamq daj gwnz bya mbaet roengz-daeuj haenx, deng ceh roengz gyang daemzraemx hunghung bae, gyoengq mehmbwk Mbanjnazbo youh dwk hoi roengz daemz bae, yienzhaeuh gaprenz aeu faexsax daeuj gyongz, ndau aen daemz, raemxdaemz gig vaiq couh daj heu bienq lamz lo, cuengq gij baengz hau roengzbae hix gig vaiq couh nyumx ndaej hwnj saek, hoeng gijneix dan dwg nyumx baengz bouh daih' it. Youq gyang gangraemx iq ranz Buzlij, gij baengzdoj nyumx gvaq romj haenx lij aeu gya roengz lwedmou daengj doxgaiq, caemhcai q aeu fanfoek dak gvaq caeuj ceh gvaq, doxgek geijlai nanz caeuj geijlai baez cungj miz yiemzgek gvidingh. Cungj dinfwngz neix, mboujdanh gaujniemh rengz-ndang caeuj naihsim, engqgya dwg cungj gingniemh boux cienz boux ndeu.

Youq Mbanjnazbo, cawz le mehmbwk, bouxlaux caeuj lwgnyez, gig noix ndaej raen bouxsai oi. Aenvih aen mbanj neix dieg youq giz byarin, doemnamh nyaengq lai, ndaem mbouj ok gijmaz loegcak ndei. Bouxsai cungj ok rog bae ra gwn, lwgmbwk hix dingzlai bae

dieggyawj dajgoeng. Gaenh bi daeuj, baengh ndaej dangdieg cwngfuj caeuj sevei gak gyaiq bangcoh, mehmbwk dangdieg ndaej naihsim naengh roengzdaej hag aen dinfwngz neix. Aen dinfwngz cienzdoengj neix, cix hawj gyoengqde daiq daeuj le soundaej loeklak. Aenvih Yauzromj daengx Guengjsae cijmiz mbanj de lij rox dinfwngz nyumx baengz cienzdoengj, ndigah Yauzromj seiqfueng bet baih cungj daeuj mbanj de cawx baengz.

Lij Siunen, boux hagseng Buzlij ceiq daekeiq haenx lwnhnaeuz gicej, Mbanjnazbo seizneix miz 30 lai ranz Yauzromj, ranzranz cungj ndaem goromj daeuj guh romj, caiq yungh romj daeuj guh baengz guh buhvaq gai. De lij ganggej le baenzlawz guh romj caeuj nyumx baengz: Bae doz aeu goromj daeuj le, ceh roengz daemzromj bae 5 daengz 10 ngoenz, yienzhaeuh vax gij nyaqfeiq okbae, dawz 10 goenggaen hoi dwk roengz daemz bae hoedgyaux 30 faencung, hawj de yaemz geij ngoenz giet baenz ndaek romj, mwh nyumx baengz aeu gij ndaek romj neix cuengq roengz gyang doengj bae, gya raemx habngamj, doeklaeng dawz gij baengz cuengq roengzbae ceh 10 aen cungdaez baedauq, yienzhaeuh dak hawq, cungzfuk song baez couh guhbaenz.

Aenvih miz dinfwngz ndei, baengz maenh, saek gyaeu, naih daenj daengj ndeicawq, gij huq neix ndaejdaengz Yauzcuz Fungsanh, Dunghlanz, Yougyangh gih daengj gaenhgyawj yen gih maijgyaez, lij miz vunz riengzmingz ganj daeuj dingghuh, cawx buhvaq dem. Lij Siunen gaisau, bit baengz ndeu guh ndaej 4 geu buh, gai ndaej 600 maenz, baengh gai baengz, gai buhvaq, gai romj daengj, ranz ndeu baenzbi couh souhaeuj sam fanh maenz. Dinfwngz nyumx baengz cienzdoengj bienqbaenz le hangh cujyau ginghci souhaeuj dangdieg mehmbwk Yauzcuz, dwg diuz daeuzloh ndei hawj lajmbanj bienqfouq.